

Kuzvarwa kwaJesu

Muprofiti Isaya 9:2-6

Takazvarirwa Mwana

Vanhu vaifamba murima vakaona chiedza chikuru; vaigara munyika yemumvuri worufu, vakapenyera chiedza.

3 Makawanza rudzi, makawedzera mufaro wavo, vanofara pamberi penyu, sokufara kwavanhu panguva yokucheka, sokufara kwavanhu kana vachigoverana zvinhu zvakapambwa. 4 Nokuti makavhuna joko raivaremedza, netsvimbo yairova mafudzi avo, neshamhu yevaivamanikidza, sapamazuva avaMidiani. 5 Nokuti shangu imwe neimwe yomurwi, yakatsika nokutinhira, nenguwo yakanyikwa muropa, zvichapiswa, zvichava sehuni dzomoto.

6 Nokuti takazvarirwa Mwana, takapiwa Mwanakomana, vumambo vuchava pafudzi rake, zitz rake richanzi: Unoshamisa, Gota, Mwari unesimba, Baba vokusingaperi, Muchinda werugare.

(Verengawa Johani 1:14)



**Nhasi muguta raDhavhidhi mazvarirwa Muponesi;
ndiye Kristu Ishe. Ruka 2:11**

Ruka 2:1-20 - *Kuzvarwa kwaJesu*

Mumazuva iwayo Kesari Ogasito akapa chirevo chokuti vagari vose venyika dzose dzaitongwa neRoma vaverengwe. 3 Uye mumwe nomumwe akaenda kuguta rake kuti andonyoresa. 4 Saka Josefawo akakwira achibva kuguta reNazareta muGarirea achienda kuJudhea, kuBheterehema guta raDhavhidhi nokuti akanga ari weimba yaDhavhidhi noworudzi rwake. 5 Akaenda ikoko kundonyoresa naMaria, waakanga atsidzira kuzowanana naye uye akanga ava napamuviri.

6 Vachiri ikoko, nguva yokuzvarwa kwomwana yakasvika, 7 akazvara dangwe rake, mwanakomana. Akamuputira nemicheka akamuisa muchidiro chezvipfuwo, nokuti muimba yavaeni makanga musisina nzvimbo yavo.

8 Uye kwakanga kuna vafudzi vakanga vachigara kumafuro aiva pedyo naikoko, vachichengeta makwai avo usiku. 9 Mutumwa waShe akazviratidza kwavari, uye kubwinya kwaJehovha kwakavakomba, uye vakatya kwazvo. 10 Asi mutumwa akati kwavari, “Musatya. Ndauya nenhau dzakanaka dzomufaro mukuru uchava wavanhu vose. 11 Nhasi muguta raDhavhidhi mazvarwa Muponesi; ndiye Kristu Ishe. 12 Ichi ndicho chichava chiratidzo kwamuri: Muchawana mwana akaputirwa nemicheka uye avete muchidiro chezvipfuwo.” 13 Pakarepo hondo huru yokudenga yakaonekwa pamwe chete nomutumwa vachirumbidza Mwari vachiti: 14 “Mwari ngaarumbidzwe kumusoro soro, uye rugare panyika nokuvanhu vaanofarira.”

15 Vatumwa vakati vabva kwavari uye vaenda kudenga, vafudzi vakataurirana vachiti, “Handei kuBheterehema tindoona chinhu chaitika ichi, chataudzwa nezvacho naShe.” 16 Saka vakakurumidza kusimuka vakaenda vakandowana Maria naJosefa, nomwana, akanga avete muchidiro chezvipfuwo. 17 Vakati vamuona, vakaparadzira shoko maererano nezvakanga zvataurwa pamusoro pomwana uyu, 18 uye vose vakazvinzwa vakashamiswa nezvavakataurirwa navafudzi. 19 Asi Maria akachengeta zvinhu zvose izvi akazvifungisisa mumwoyo make. 20 Vafudzi vakadzokera vachikudza nokurumbidza Mwari pamusoro pezvinhu zvose zvavakanga vanzwa uye zvavakaona, zvakanga zvakangoita sezvavakanga vataurirwa. (*Verengawa Mateo 1:18-24*)

Kuzvarwa kwaJesu nezvatinofanira kunzwa

Taksunungurwa pamutongo wezvivi nokuda kwekuzvarwa, kufa nokumuka kuvakafa kwaJesu. Taksununguka kumutenda nokumurumbidza noupenyu hwedu.

- 1. Muprofita Isaya akaprofita nezvekuzvarwa kwaJesu, akaenzanisa basa rake panyika nokusateerera kwavanhu vaMwari nokusunungurwa kwavo kubva pautapwa hweBhabhironi. (*Verenga Muprofita Isaya 9:2-6*)**
 - a. Tsanangura hudzvinyiriri hwepanyama hwaizonzwikwa navanhu vaMwari.**
 - b. Huranda nehudzvinyiriri rudzii rwaizosunungurwa vanhu vaMwari kubva paruri naJesu? Moprofita Isaya anoti pachava nomufaro mukuru pakuuya kweMwari. Verenga ndima 2 ne 6. Ko Jesu anotsanangurwa sei ?**
 - c. Makore anodarika mazana manomwe asati asvika, Muprofita Isaya akanyora nezvekuzvarwa kwaJesu. Tsanangura kuti mashoko echiprofita cha Isaya akabatsira sei vanhu vakatarisira kuuya kweMuponesi.**
- 2. Verenga mashoko aPauro kubva muVaRoma 6. ~ *Asi zvino makasunungurwa kubva kuchivi uye mava varanda vaMwari, zvizereko zvamunokohwa zvinoisa kuutsvene, uye kuguma kwazvo ndihwo upenyu husingaperi muna Kristu Jesu Ishe wedu. 23Nokuti mubayiro wechivi ndirwo rufu, asi chipo chaMwari chokungopiwa ndihwo upenyu husingaperi muna Kristu Jesu Ishe wedu. Vaorma 6:22-23***
 - a. Ko mubairo wezvivi zvedu chii?**
 - b. Zvinorevei kuva muranda kuna Mwari wedu werudo? Ko tikapa kuda kwedu kuna Mwari tinowana chii? (*Kunanatswa zvinoreva kuva vatsvene.*)**
 - c. Ko mutengo wezvivi chii? Mutengo weruponeso chii?**
- 3. Kuburikidza nemurairo tinoona zvivi zvedu nechido chedu choMuponesi. Murairo unotinatsa kuti moyo yedu ikwanise kugamuchira nyasha dzaMwari dzinoshamisa. ~ *Nokuti nyasha dzaMwari dzinouyisa ruponeso dzakaraidzwa kuvanhu vose. 12 Dzinotidzidzisa***

kuti tirambe zvinhu zvisina umwari nokuchiva kwenyika, uye tirarame upenyu hwokuzvidzora, hwokururama uye hwoumwari munguva ino, 13 takamirira tariro yakaropafadzwa, kuonekwa kwokubwinya kwaMwari wedu mukuru noMuponesi, Jesu Kristu, 14 akazvipa nokuda kwedu kuti atidzikinure kubva pakuipa kwose, nokuzvinatsira vanhu vari vake chaivo, vanoshingaira kuita zvinhu zvakanaka. Tito 2:11-14

- a. Kubva mubhuku raTito, Pauro anotizivisa kuti tinopeswa nenyasha dzaMwari. Nyasha kuitirwa zvakanaka zvatisina kukodzerwa nazvo.
 - b. Mwari vanotsvaka kuti tizvipire zvakaperera. Ko sei tichitya kzvipira kuna Mwari zvakaperera?
 - c. Ko Pauro anoti takafanira kuita chii? Zvinorevei kushingaira?
4. Verenga Ruka 2 pamusoro pevafudzi. Ko vaakitei zvavakanzwa mashoko evatumwa? Zvakashandura sei upenyu hwavo? Ko munofunga kuti vakambozvifunga here kuti vamwe vaifungei pamusoro peshungu dzavaiva nadzo?
5. Verenga Ruka 2 pamusoro pamaonero a Maria. Anozvitora sei zvenyaya yekuzvarwa kwaJesu? Funga nezvemufaro waMaria nokuda kwekuti aizova mai veMuponesi wenyika. Zvino funga nezvekusuwira kwake uye pakupedzisira mufaro wake nokuda kwekufa nokumuka kwaJesu.
6. MunaMapisarema 96 Davhidi nezvaanofunga pamusoro pechipo cheruponeso runobva kunaMwari. Anotiudza kuti tiitei? **Anotsanangura samba raMwari sei?** ~ *Aiwa imbai rwiyo rutsva kuna Jehova; imbai kuna Jehova imi nyika! 2 Imbai kuna Jehova, rumbidzai Zita rake; rondedzerai ruponeso rwake zuva nezuva. 3 Dudzirai kubwinya kwake pakati pevahedeni, nemabasa ake anoshamisa pakati pavanhu vose. 4 Nokuti Jehova mukuru, uye anofanira kurumbidzwa kwazvo; anofanira kutyiwa kupfuura vamwari vose. 5 Nokuti vamwari vose vendudzi zvifananidzo zvisina maturo, asi Jehova akaita kudenga - denga. 6 Kukudzwa nevumambo zviripamberi pake; samba nekunaka zviripavimbo yake tsvene. Mapisarema 96:1-6 and beauty are in His sanctuary. Psalm 96:1-6 (Verengawo Varoma 1:16, Mateo 28:18-20)*